

6



CANTIC AR BARADOS.

Var eun ton anavezet.

JESUS! peguen bras ve
Plijadur an ene,
Pa ve en graç Doue
Hac en e garante!

bis.

Bêr cavo an amzer,
Ne zanto nep mizer,
O sônjal de ha nos
En gloar ar Barados.

bis.

Pa zellân en êuvo
Hac etrezec va bro,
Nijal din a garfen
Evel eur goulmic ven.

bis.

Mes siouas, me chomo
Betec heur ar maro,

Evel eur prsonnier,
En eur c'horf zo pounner.

bis.

Pa vo heur ar maro,
Neuze me guimniado
Eus ar c'hic danjerus
Adversour da Jesus.

bis.

Gant joa e c'hortoàn
Ar moment divezàn;
Hast ameus da velet
Jesus va güir bried.

bis.

En heur-ze me esper,
Gant sicour va C'hrouer,
Ar partach evurus
Prenet din gant Jesus.

bis.

Qerqent ha ma vezo
Torret va chadenno,
M'en em zavo en êr
Evel eun alc'hueder.

bis.

Tremen a rìn al loar
Evit monet d'ar gloar,
Var an heul, ar steret

Me a vezo douguet.

bis.

Neuze me lavaro
 Adieu da dud va bro,
 Adieu d'ar bed poannius,
 D'e bechou danjerus.

bis.

Adieu d'ar baourente,
 Adieu d'ar vanite,
 Adieu d'an trubuliou,
 D'an tentationou.

bis.

Pelloc'h ne zoujin qet
 Chalmou an drouc-speret;
 Biqen, nan, n'em zromplo
 Goude heur ar maro.

bis.

Goude heur ar maro
 Gant joa me a gano :
 Torret eo va chadeu
 Ha me libr da viqen.

bis.

Ar pec'hejou marvel
 Nac ar re veniel
 N'ellint qet m'attaqi
 Na biqen va zrec'hi.

bis.

Me a chencho a stad
 Evit va brassa mad;
 N'em bezo nep glachar
 O quittât an douar.

bis.

Me velo discaret
 Va oll enemiet,
 Ha me victorius
 Dre ho craç, va Jesus.

bis.

A bep-tu pa zellin,
 Qement tra a velin
 A gargo va c'halon
 A gonsolation.

bis.

Percher ar Barados
 Digor eus va gortos,
 Ar Zent, ar Zentezet
 Prest d'am diguemeret.

bis.

Piou' allo esplicàn,
 Gant joa el lavaràn,
 An triomph a velin
 Er gloar pa antrein.

bis.

Me vezo recevet

En pales an Drindet,
E creiz an enoriou
Hac ar melodiou.

bis.

Hac eno evit mad
Velimp Doue an Tad
Gant e Vab eternal
Hac ar Speret-Santel.

bis.

Me a velo Jesus
Gant eun ær gracios,
O lacât var va fen
Ar gaëra curunen.

bis.

Pa em diguemero,
Eus e beurs me glêvo :
Deut, servicher fidel,
Deut d'ar gloar eternal.

bis.

C'houi, graguez ha merc'het,
Trec'h d'ar e'hic ha d'ar bed,
C'houi pezo enoriou
Evit ho victoriou.

bis.

S'ònjomp oll dre avane
Peguer caër recompane

Zo d'emp oll preparat
En pales an Drindet.

bis.

Er barados hepquen
Ni a ello compren
Petra dal an êvou,
O gloar hac o joayou.

bis.

Evit poanniou dister,
Evit anqenniou bêr,
Me vezo paët mad
Gant Doue, hor güir Dad.

bis.

O velet hon Doue
Gant ar Zent, an Æle,
Ni a vezo contant,
Hep aoun rac chenchamant.

bis.

Admirabl eo güelet
Ar Verc'hez benniguet,
Gant daouzec stereden
A ra e c'hurunen.

bis.

Güelet a raimp ouспен,
Renqet en eur vanden,
An Æle, Arc'hæle,

Oll o veuli Doue.

bis.

O cana e music
Canticou manific,
O rai meuleudiou

Da Grouer an êvou.

bis.

Güelet a raimp goude
Adam, Abel, Noë,

Abraham hac Isaac,

Jacob, Joseph e vab.

bis.

David ha Samuel,

Ar Prophet Daniel,

Ar Zent Patriarchet

Gant gloar oll curunet.

bis.

Ar Prophetet fidel,

An Ebestel santel

Hac an oll Verzerrien,

Enor ar Gristenien.

bis.

Curunet vint gant gloar

Balamour d'ar victoar

O deus bet gounezet

Var an oll dyrantet.

bis.

An oll Goufessoret,
 Pontifet, Doctoret,
 Beleyen ha Menec'h
 Ha Sent oll a bep lec'h.

bis.

Güerc'hezet a bep oad,
 Sentezet a bep stat,
 Graguez, Intanvezet,
 Gant Doue curunet.

bis.

Eurusdet hep e far!
 Dre avanç ni a car;
 Te gonsol va c'halon
 En peb affliction.

bis.

Eh oll boanniou calet
 A gorf pe a speret,
 Me sònjo deiz ha nos
 En gloar ar Barados.

bis.

FIN.